



Synfocity = 847

mail us at : mzsynfo@gmail.com; mizoramsynod@gmail.com - Phone - 2314648

July 1, 2022

□ **Silchar Tuilian tuartute Synod-in tanpuina a pe**

Synod chuan Silchar leh a chheh vela tuilian tuartute tanpuina atan Assam CM Relief Fund-ah Rs. 8,00,0000/- a pe. He tanpuina sum hi June 28, 2022 (Nilaini) zan khan Synod Moderator Rev. Dr. Vanlalngbaka Ralte chuan Cachar DC Pi Keerthi Jalli, IAS hnenah a hlan. Moderator hi Synod Secretary, Rev. Z. D. Lalhmachhuana leh Silchar-a Synod Office hotuten an tawiawm. Cachar DC chuan Mizoram mipuiten Silchar leh a vela tuilian tuartute ngaihsaka Cental YMA-in tui in tur thahnem tak an pek avang leh Kohhranin tanpuina cheng nuai 8 lai CM Relief Fund atana an pek avangin lawmthu a sawi. Synod hruaitute hian Silchar DC chu tuilian tuartute buaipuina kawnga theih tawp a chhuahna leh a inpekna te fakin, hun kal zelah pawh Cachar district leh Mizoram chhunga chengte inunauna tha neih zel a pawimawh thu an sawipui. Silchar Synod Office-a thawktute hian Synod hotute hi Silchar Mission Compound tuilianin a khawih dan te thlirpuiin Silchar khaw chhunga Bengali Kristian awmna tuilianin a tihbuaina hmun te an tlawhpui bawk. Silchar Mission Compound-a Synod Oriental High School-ah tuilianin a tihbuai mi 620 zet sawrkarin a dah khawm a, Bengali Kristian tuilian tuar mi 60 te chu Synod Guest House leh PCI Guest House-ah te awmtir an ni bawk. Central YMA-in tui thianghlim a pek sem turin June 29, 2022 khan Silchar YMA te chu Synod Mission Compound atangin an feh chhuak bawk.

□ **Synod Mission Board leh ram pawn chet velna**

◆ **Mission Field-a Office Assistant te tan nikhat awh training neih a ni.**

June 28, 2022 (Thawhlejni) khan North East Region leh Home Mission North leh South huam chhunga Office Assistant (OA) te tan nikhat awh training neih a ni. Training-ah hian Office kalphung leh Account training neih a ni a, Office lehkha lut leh chhuak te, Service chungchang leh a kaihnawih te, Account chungchang zirhona leh Discussion te-in hun an hmang a. Heng thupui hrang hrangte hi Synod Mission Board Headquarters lama thawktuten an zirtir a ni. He hunah hian tel tura beisei mi 14 atangin mi 12 an tel thei a ni.

◆ **Mission Development Training Centre (MDTC)-ah Graduation day hman a ni.**

June 28, 2022 (Thawhlejni) khan Mission Development Training Centre (MDTC), Bualpui N-ah Graduation Day vawi 47-na hman a ni a. Rev. R. Lalhmingsanga, Secretary, SMB-in a hmanpui. Programme hi Pu R. Laldinsanga, Director, MDTC-in a kaihruai a, Upa Vanlalpeka, Chairman, Kawnpui Pastor Bial-in hunserh a hmang a, Director-in inlawmna leh Report tlangpui a pe a, Rev. R. Lalhmingsanga, Synod Mission Board Secretary-in thuchah a sawi a. Result puan leh Certificate hlanna neih a nih hnuah a duh apiang tan thusawina hun hawn a ni bawk. He hunah hian Group zai leh Trainee-te atangin special item ngaihlak a ni. Kumin hian Veterinary-ah mi 3 leh Carpentry-ah mi 2 ten tuang takin training an zo a.

MDTC-ah hian trade hrang hrang 4 - Veterinary, Carpentry, Agri & Horti leh Tailoring-ah te training kalpui mek a ni a. Kum khatah Batch hnih tan training hi hawn thin a ni. First Batch hi February - June chung an training a, Second Batch hi July - November chung an training bawk.

MDTC-ah hian thawktu 14 an awm a. Training Centre tih changtlun nana Synod Mission Board hmalaknaah MDTC thawktute chuan lawmthu an sawi a. Kawnpui Pastor Bial leh Bualpui Kohhran ten an ngaihsak thin naah lawmthu an sawi bawk.

◆ **Odisha Mission Field**

June 24, 2022 (Zirtawpni) khan Gillakuta bial chhunga ringlo khua Biniamari-ah nurse leh bial chhunga thawktuten Free Medical Clinic an nei a, damlo 30 vel en niin bible tract engemaw zat sem a ni bawk.

June 27, 2022 (Thawhtanni) khan Raygada biala ringlo khua Jambu-ah missionary doctor, Dr. K.C Lalchhingzova leh a nupui Pi K. Zonunmawii, Staff Nurse hovin Medical Free clinic neih a ni.

◆ **Assam Mission Field**

June 26, 2022 (Pathianni) khan ringthar 2 Lal Isua zui turin an inpe.

◆ **Jharkhand Mission Field**

June 24, 2022 (Zirtawpni) khan ringthar 5 leh June 25, 2022 (Inrinni) khan ringthar 34 Lal Isua zui turin an inpe a. Methodist Kohhran aṅging mi 6 leh Roman Catholic Kohhran aṅging mi 7 kan Kohhranah an inpe bawk.

June 26, 2022 (Pathianni) khan ringthar 9 Lal Isua zui turin an inpe a, Northern Evangelical Lutheran Church (NELC) aṅging mi 3 leh Friends Missionary Prayer Band (FMPB) aṅging mi 4 kan Kohhranah an inpe bawk.

◆ **Arunachal & Assam Mission Field (West)**

June 26, 2022 (Pathianni) khan ringthar 1 Lal Isua zui turin a inpe.

◆ **Arunachal & Assam Mission Field (East)**

June 26, 2022 Pathianni khan ringthar chhungkaw 1 Lal Isua zui turin an inpe.

◆ **Barak Mission Field**

June 26, 2022 Pathianni khan ringthar 1 Lal Isua zui turin a inpe.

□ **KṬP**

June ni 28, 2022 thawhlejni chawhnu dar 1 khan Central Kristian Ṭhalai Committee vawi 754-na chu J.M Lloyd Hall, Synod Office-ah an ṭhu a, KṬP General Conference vawi 59-na, Kolasib-a neih taka rorelnaa thurel bawhzuina turte an ngaihtuah a, Synod Choir 2022-2024 term thar tur te, Praise On 2022 Solo Intihsiak chungchang te, YRC puala bial tina budget siam chungchang te, South Asia Christian Youth Network tena Malaysia-a meeting neih an rawt chungchangte a tel.

Central KṬP Committee hi kum 1954-a a din tirh aṅging Committee vawi 754-na tur a ni a, tun term 2022-2024 chhunga vawi thum committee-na a ni.

□ **MSSU**

◆ June 30, 2022 (Ningani) khan Dawrpui Vengthar Kohhranah Sunday School Zirtirtu training neihpuiin Trainer-te Upa K. Zoremsanga, Upa R. Lalhmingthanga leh Upa K. Vanlalnghaka te an kal.

◆ July 1, 2022 (Zirtawpni) hian Tuikual South Kohhranah Sunday School zirtirtu infuihtharna hun hmanpui turin Pi Lalpianthangi, Coordinator leh Upa Lalrosanga Kawlni, Trainer te an kal.

◆ July 2 & 3, 2022 hian East Lungdar Venghulun Bialah Sunday School Zirtirtu training neihpuiin Asst. Coordinator Pu HK Hmingthanzuala leh Trainer te - Upa C. Lalbiaksanga leh Upa Hrilthansanga te an kal a, Pathianni hian Bial chhung kohhran hrang hrangah hun an hmang nghal ang.

□ **Campus Ministry**

Synod Campus Ministry chuan June 30, 2022 (Ningani) khan Chhimchhak Presbytery huam chhunga Pastor Bial 5 aṅging Pastor/Minister te leh Kohhran tin aiawh mi pahnih (2) ṭheuh pualin 'Tleirawlte Nun kaihhruai kawnga inzirtirna Symposium' Serchhip Kawnpui Presbyterian Kohhran Diamond Jubilee Hall-ah a buatsaih. Resource Person atan T.Upa Lalthlamuana Ralte, Tuikual leh T.Upa K. Lalengzama, Laipuitlang te hman an ni a, Ni. H. Lalremruati, Chanmari chu ṭum 3 a zai bawk. He hun hmanpui hian Rev. R. Ramnghinglova, Director leh Upa Lalnunsiamia Khalthang, Committee Member, Campus Ministry te an kal tel bawk. A buatsaihtu te leh he hun hmang tura kan sawm te nen Programme hlawk thlak tak hman ho a ni a, tel tur a beisei mi 77 in he hun hi an chhim a ni

□ **Synod Bookroom**

◆ State Bank of India, Regional Business Office chuan Synod Bookroom Headquarters Building-a hman tur Water Cooler pahnih chu June 29, 2022 (Nilaini) khan Synod Bookroom hotute hnenah an hlan. Hlanna hun tawi hi Rev. J.M. Lloyd Hall-ah hman niin Upa Lalsawmliana, Finance Manager, Mizoram Synod chuan a kaihhruai a, Pu David N. Lhouvum, incharge Regional Manager, SBI chuan ṭangkai taka hman turin Synod Bookroom Manager Pu Lalniliana hnenah a hlan a ni. SBI hotute hian mipui tana an luanchhuahna chi khat atan Water Cooler hi Synod Bookroom-a pek an duh thu hi June thla tir lam khan an rawn thlen a, PRESCOM Department hotute chuan Synod Officers Meeting lam rawnin OM phalna leh hriatpuina an hmuh hnuah lawm takin an dawng ta a ni.

◆ July 4 - 16, 2022 chhung hian Synod Bookroom chuan kumtina anlo tih ṭhin angin Synod Bookroom hnuai Branch hrang hrangah leh Distributor hrang hrangah te Reduction Sale a nei leh dawn a, Synod Bookroom lehkhabu zawng zawng (English leh Mizo), Bible, Kristian Hlabu, Kohhran mamawh, School naupang mamawh tinreng leh Stationery item chi hrang hrang te man tlawm zawkin an hralh leh dawn a ni.

- ❑ **Kohhran Hmeichhia**
June 22 - 24, 2022 chung khan Shillong-ah PWF Guidelines Review Committee neiin Pi Sailuti, Inkhawmpui Lian Chairman a kal.
- ❑ **Synod Revival**
June 18 & 19 leh June 25 & 26, 2022 chung khan Operation Nehemia neiin Aizawl leh a chheh velah Revival Speaker-te group 12-ah inthenin mi 600 chuang hnenah rawngbawlina an nei.
- ❑ **Health Sunday & Hospital Sunday**
 - ◆ July 3, 2022 (Pathianni) hi Health Sunday & Hospital Sunday (Damdawi In Pathianni) a ni a. Mizoram Presbyterian Kohhran chuan Hospital Sunday hi kum 1928 atang khan a hmang tan a, kum 1981 atang khan July Pathianni hmasa ber hi Ni bik atan hman a ni ta a ni.
 - Kum 1985 Synod Inkhawmpui thu angin 1988 atang khan January Pathianni hnukung ber chu Phâr Pathianni (Leprosy Sunday) atan hman thin a ni a. Kum 2004 Synod chuan phâr pual chauh ni lovin natna dangte pawh huamin 'Health Sunday' tiin a thlak ta a ni. Kum 2006 atang khan Health Sunday hi hman tan a ni. Bial KTP Inkhawmpui nen a inruah chang a awm avangin February Pathianni vawi thumnaah hman thin a ni ta a. Health Sunday-ah hian Hriselna lam thupui chi hrang hrang zir thin a ni a, kumin 2022 hian "Vantlang Tana Nun phung Hrisel" tih kan zir dawn a ni.
 - Kum 2008 Synod-in "Health Sunday leh Hospital Sunday hi Pathianni vawi khatah a ruala hman ni se" tia a rel angin kum 2010 atang khan Health Sunday leh Hospital Sunday hi a rualin ni khatah hman tan a ni. Kumin 2022 hian Health Sunday pualin chawhnuah hun hman a ni ang a, zanah Hospital Sunday puala hun hman a ni ang a, thilpek lak khawm a ni baw ang. Thilpek chu Synod Hospital Charity Fund pual a ni ang a, Bial Treasurer kaltlangin Synod Office-ah thehluh tur a ni.
 - Kumin Health Sunday & Hospital Sunday atan hetiang hian programme duan a ni:
Chawhnu Inkhawm
 - Health Sunday Pual
 - Thupui : Vantlang tana nun phung Hrisel
 - Chhiar tur : I Petera 1:15&16
 - Zan Inkhawm
 - Hospital Sunday Pual
 - Thupui : Pathian thiltum - phur rit chhawk
 - Chhiar tur : Deut. 15:7&8, Matthaia 11:28&29, Galatia 6:1&2
 - Synod 2021 report-a a lan danin tun dinhmunah Synod Hospital, Durtlang leh John Williams Hospital, Lunglei-a thawktu awmdan chu hetiang hi a ni:
Synod Hospital, Durtlang:

Doctor	40
Nursing & College Staff	218
Para Medical Staff	31
Thawktu dang	130
Thawktu zawnng zawnng	432
 - John Williams Hospital, Lunglei:

Doctor	4
Nursing Staff	20
Para Medical Staff	10
Thawktu dang	25
Thawktu zawnng zawnng	59
 - ◆ Dr. Lalmalsawmi Ralte, MS (Orthopaedics) ruh lama thiambik, CMC, Vellore-a zirzo chu June 20, 2022 (Thawhtanni) atangin Synod Hospital-ah a thawk tan a. OPD-a a thut dan tur chu la ruahman tur a ni ang.
 - ◆ Dr. Lalremmawia, MD (Medicine) chu July 1, 2022 zirtawpni atangin kar tin Nilaini 9:00 am - 2:00 pm OPD-ah a thu thin dawn a. Thla khatah Inrinni vawi 3 OPD-ah a thu baw ang.
 - ◆ July 3, 2022 (Pathianni) Health Sunday & Hospital Sunday-ah Hospital-a thawktute Kohhran 13-ah an kal chhuak ang.

☐ **United Christian Prayer for India (UCPI)**

June 28 - 30, 2022 chung khan United Christian Prayer for India (UCPI) buatsaihin India ram kohhran hrang hrang hruaitute, Mission pawl leh Kristian Organization hrang hrang hruaitute Bengaluru-ah intawhkhawmna neih a ni a. Prebyterian Church of India (PCI) aiawhin Rev. Dr. K. Lallawmzuala, Executive Secretary i/c Mission chu he meeting-ah hian a tel. He intawhkhawmnaa an thupui chu, 'India ram pum hi tawnghaina leh thiltihin Chanchin Tha hmangin i chhun eng ang u' tih a ni. Kohhran hruaitute hi lungrual taka tawnghai hovin Chanchin Tha hrihna kawnga thawkho zel turin thutlukna an siam a ni.

☐ **Synod Social Front**

◆ June 26, 2022 (Pathianni) khan Dawrpui Kohhranah Moral Reforms, Ruihhlo leh HIV/AIDS Awareness leh Political Education neiin Resource person-te Rev. Dr. K. Lallawmzuala, Executive Secretary; Pu R. Lalnunluanga, Coordinator leh Rev. Rosiamliana Tohhawng te an kal.

◆ June 29, 2022 (Nilaini) khan "International Day Against Drug Abuse and ILLicit Trafficking" programme Naksha Mukt Bharat Abhiyaan buatsaih chu Conference Hall, Assembly House Annex-ah neih a ni a, he hunah hian Pu R. Lalnunluanga, Coordinator, Synod Social Front a tel. Pu R. Lalnunluanga hi Naksha Mukt Bharat Abhiyaan Committee-ah Mizoram Synod aiawhin tel a ni.

☐ **Finance**

July 2, 2022 (Inrinni) hian Bethlehem Bialah Account Training neihpui turin Pu Zaihmingthanga Fanai, Accountant leh trainer te - Upa Lalrosanga Kawlni leh Pu R. Lalbiakdika te an kal ang.

☐ **Synod Relief Fund**

Tun hnaia harsatna hrang hrang nei te hnenah Synod Relief Fund atangin hetiang hian chhawmdawlina pek a ni.

S.No	Khua	Pek chhan	Chhungkaw zat	Pek zat
1.	Chhingchhip Venghlun Biak In kawt leimin leh Hall lungrem chim siamthat nan			Rs. 50,000/-
2.	Sialhau Kohhran Biak In hmun retaining wall siamna nan			Rs. 20,000/-
3.	Tuidam	Damlo	1	Rs. 8,000/-
4.	Chhimluang	Khawsak harsa	2	Rs. 8,000/-
BELHKHAWM				Rs. 86,000/-

☐ **JULY 1, 2022 (Zirtawpni) (FM Zoawi - Aizawl & Lunglei @ 7:30 p.m.):**

Solo : B. Lalbiaksiami - Lalpa ropui ber
Zaipawl : Bilkhawthlir Kohhran Zaipawl - Lungawina khawvel
Thusawi : Rev. K. Lalpiangthara - Lungawina kim
Solo : Felina Lalremruati - Ka lungawi zel ang
Zaipawl : Chaltlang Bial Zaipawl - Isu kraws min hnaih tir rawh.

☐ **Susamachar Prasaran Programme :**

JULY 3, 2022 (Pathianni) 5:00 pm. :

Group/Choir/Solo : Durtlang Masihi Sangati - Prabhu
Group/Choir/Solo : H. Vanlalringa - He Mere Man
Sermon : Zohmingthanga - Yesu Khoye Huo Ka Sahara
Group/Choir/Solo : Govt Complex Kohhran - Anugrah Karii
Group/Choir/Solo : Chanmari Masihi Sangati - Aaradhana

☐ **Moderator leh Executive Secretary-te Programme:**

Rev. Dr. Vanlalnghaka Ralte : Moderator

June 27, 2022 PRESCOM BEC

June 28, 2022 Apex Bank Annual General Assembly (Hunserh) & Central KTP committee

Rev. C. Zoramawia : Senior Executive Secretary

Zin programme nei lovin Office-ah a awm ang.

Rev. V.L. Luaia Hranleh : Executive Secretary

June 28 - July 1, 2022 PCI Constitution Revision Committee, Shillong

Rev. Dr. K. Lallawmzuala : Executive Secretary

June 28 - July 1, 2022 UCPI meeting, Bangalore

July 1 & 2, 2022 Jharkhand Mission Field - Retreat

July 3 - 8, 2022 PCI Programme

KOHRAN HMEICHHIA WOMEN CENTRE HRIATTIRNA

Kum 2022 September - December chungna Puan tah zir duhte tan dilna hun hawn a ni a, hetiangin -

1. Dil theih hun chung : July 18, 2022 (Thawhtanni) thleng
2. Interview : July 19, 2022 (Thawhlehi) 10:30am
3. Interview : Committee Room - I, Synod Office
4. Zirna tan hun : September 9, 2022 (Ningani)

UPSC 2022 PRELIMS TLING TE HRIATTIRNA

Mizoram Synod hnuaiia Zirlai Viltu Committee chuan UPSC 2022 Prelims exam a vawikhatna a tlingte hnenah incentive cash award Rs 50,000/- pek a tum a. July ni 7, 2022 (Ningani) ral hmain a hnuaiia hming ziak hnenah hian exam-na a tlingte chu inhriattir tur a ni e.

Sd/-

Zirkungi Chhakchhuak
Secretary
Zirlai Viltu Committees
Mizoram Synod
Ph: 9862303933

ADVERTISEMENT

Synod Multipurpose Training Centre (SMTC) chuan Vocational training trade hrang hrangah training a kalpui mek reng a. A hnuaiia trade tãrlanteah hian kumin 2022 August thla atangin Session nhihna a tan leh dâwn a. Chuta zir duh tũrte tân dılna hun hawn a ni ta a. Hemi chungchãnga hriattırna hi Kohhran tinah puanzãr tũra thawchhuah a ni a, Official lehkha hmu lo emaw, hre lo tân pawh local TV leh Internet hmanga media hrang hranga tihchhuah te hi official-a ngaih bawk tũr a ni ang.

S/N	Training tũr Trade	Course rei zãwn	Seat awm zãt
1.	Diploma in Computer Application (DCA)	Thla 6	20
2.	Beauty Culture	Thla 6	6
3.	Mobile repairing	Thla 6	6

Hriattur pawimawhte:

1. Dılna hi plain paper-a thehluh tũr a ni a, Ni 15 July, 2022 aia tlai lovah SMTC Office-ah thehluh tũr a ni.
2. Dilnaah hian Kohhran lehkha thil tel ngei tũr a ni.
3. Interview hun: Ni 20 July, 2022 (Nilaini) - 10:30 am
4. Interview-na hmun: SMTC, Mission Vengthlang
5. Mamawh zual bıkte tân Hostel a awm ang.

Sd/-, Rev. V.L. Luaia Hranleh
Executive Secretary i/c SMTC
Synod Office; Aizawl